

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla"d.o.o.

Broj:01/I-1845-18/21
G.Dubrave, 27.12.2021.godine

Na osnovu člana 21. tačka a), člana 69. stav 1. tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14), te prijedloga Komisije za nabavku Uree za zimsko održavanje PSS-a na JP „Međunarodni aerodrom Tuzla“d.o.o., u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U
o izboru najpovoljnijeg ponuđača

I

Ponuda ponuđača **Hifa-Oil d.o.o. Tešanj**, za ponudenu cijenu od 2,30 KM bez PDV-a po kg proglašava se najpovoljnijom, te se imenovanom ponuđaču dodjeljuje Ugovor o nabavci robe – Uree za zimsko održavanje PSS-a na JP „Međunarodni aerodrom Tuzla“d.o.o..

II

Ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav 6. Zakona o javnim nabavkama.

Obrazloženje

Ugovorni organ je na osnovu Odluke o pokretanju postupka broj: 01/I-1845-6/21 od 09.12.2021.godine., a nakon sprovedenog Otvorenog postupka gdje nije pristigla ni jedna ponuda, proveo pregovarački postupak bez obavještenja za nabavku nabavku Uree za zimsko održavanje PSS-a na JP „Međunarodni aerodrom Tuzla“d.o.o..

Rok za dostavljanje ponuda bio je 15.12.2021. godine do 10:00 sati, te je Komisija zaprimila jednu dostavljenu ponudu firme Hifa-Oil d.o.o. te pristupila otvaranju iste što je konstatovano i Zapisnikom o otvaranju ponude. Komisija konstatuje da je ponuda uredno dostavljena i zaprimljena, sa svom potrebnom dokumentacijom. U obrascima za cijenu ponude je došlo do greške, gdje se navode dva iznosa, što je potvrdio i prisutni predstavnik Ponudača. Komisija je radi potvrđivanja tačne cijene predložila da se od ponudača pismenim putem traži da u konačnoj ponudi ponovo dostavi obrasce za ponudu i cijenu ponude te time potvrdi konačnu cijenu. Ponudači je poslan pismeni dopis u kojem je određen rok za dostavljanje konačne ponude.

Rok za dostavljanje konačne ponude bio je 23.12.2021. godine do 12:00 sati, te Komisija konstatuje da je zaprimljena konačna ponuda firme Hifa-Oil d.o.o. tražena Dopisom broj: 01/I-1845-13/21 od 21.12.2021.godine. Ponuda je blagovremeno zaprimljena i uredno zapakovana, što je konstatovano i Zapisnikom o otvaranju ponuda.

1. Ponuda: 01/I-1845-14/21 od Hifa-Oil d.o.o. Tešanj u 11:00h

Komisija je pristupila otvaranju ponude, te utvrdila da sadrži Obrazac za dostavljanje ponude iz Priloga 1 te obrazac za cijenu ponude iz Priloga 2 čime se potvrđuje konačna cijena ponude koja iznosi 2,30 KM bez PDV-a po kg. Komisija jednoglasno konstatuje da su ispunjeni svi uslovi za izbor najpovoljnijeg ponudača za nabavku Uree za zimsko održavanje PSS-a.

Temeljem iznesenih činjenica Komisija za provođenje postupka nabavke Uree za zimsko održavanje PSS-a na JP „Međunarodni aerodrom Tuzla“ d.o.o. jednoglasno konstatuje da su ispunjeni uslovi za izbor najpovoljnijeg ponudača, te predlaže Upravi ugovornog organa da donese Odluku o izboru najpovoljnijeg ponudača za nabavke Uree za zimsko održavanje PSS-a na JP „Međunarodni aerodrom Tuzla“ d.o.o., a u skladu sa članom 69. stav 1. tačkaa) kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke za nabavku Uree za zimsko održavanje PSS-a na JP „Međunarodni aerodrom Tuzla“ d.o.o., donešena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
1x Ponudačima
1x Evidenciji
1 x a/a



V.D. DIREKTOR

Halid Ahmetbegović